

## L'Udin bandiere de Patrie

Inviato da La Patrie dal Friûl  
giovedì 12 novembre 2009

Cu la braure dal fat che noaltris lu disìn di timp (la colaborazion cu la riviste la Patrie dal Friûl e covente propit par chest): l'Udin, la nestre squadre dal cûr, e je la bandiere de nestre Patrie.

E cuant che o vin savût che la societât e à sotscrit cu la Agjenzie pe Lenghe furlane ([www.arlef.it](http://www.arlef.it)) un acuardi par promovi e valorizâ la lenghe furlane te comunicazion de squadre, o sin stâts propit contents: lait a lei chi la notizie sul sît [www.udinese.it](http://www.udinese.it).

Barcelone, Atletico Bilbao a son dome 2 esemplis tra i plui famôs di club di balon a nivel internazionâl che no àn dismenteât la lôr identitât. E cumò ancje l'Udin al à uficializade cheste linie.

Nus à fat ancje plasê di lei che ta chest acuardi e je atenzion ancje pai tancj furlans che a son ator pal mont.

E alore, ce dî di plui?... **FUARCE UDIN! FUARCE FRIÛL!**

(te foto, font [www.udinese.it](http://www.udinese.it): il presidente dal Udin Franco Soldati e il president de Arlef Lorenzo Zanon)